



کلیهن ذوالحجة دان عبادۀ قربان

18 اوکوس 2017 / 25 ذوالقعدۀ 1438

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ
مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ
فَلَا مُضِلَّ لَهُ وَمَنْ يَضِلَّ فَلَا هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ
سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ
عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا
بَعْدُ،

فِيَا عِبَادَ اللَّهِ، اتَّقُوا اللَّهَ، وَأَوْصِيكُمْ وَنَفْسِي بِتَقْوَى اللَّهِ
وَطَاعَتِهِ لَعَلَّكُمْ تُفْلِحُونَ.

ماريله کیت برسام ۲ منیعتکن کتقوان کفد الله ﷻ
دغن ملقساناکن سکالا قرینته دان منیعتکن سکالا

لارغنش. موده مودهن کیت دبرکتی دان درحمتی الله
ﷺ ددنیا دان اخیره.

سیدغ جمعة یغ درحمتی الله ﷺ،

بیراف هاری لاکھی کیت اکن مپمبوت کداتغن
بولن ذوالحجة یغ ممقوپای کایستیمیوان برعمل
ددالمن. کلیهن ملاکوکن عمل صالح قد هاری ۲ یغ
مولیا این دجنجیکن اولیه الله ﷺ ملالوئی فرمانش
دالم سورة الفجر ایات 1 دان 2:

أَعُوذُ بِاللَّهِ مِنَ الشَّيْطَانِ الرَّجِيمِ

بِسْمِ اللَّهِ الرَّحْمَنِ الرَّحِيمِ

وَالْفَجْرِ ۱ وَلَيَالٍ عَشْرٍ ۲

یغ برمقصود: دمی وقتو فجر دان دمی مالم ۲ یغ
سقولوه.

علماء تفسیر مپوتکن بهاواسقولوه مالم ایستیمیوان یغ
دمقصودکن دالم ایات این اداله سقولوه هاری تراول
ذوالحجة. کلیهن برعمل قد اول بولن ذوالحجة

این جوگی دفرقواتکن لانی دغن سبواه حدیث یغ
دروایتکن اولیه امام الترمذی:

مَا مِنْ أَيَّامٍ الْعَمَلُ الصَّالِحُ فِيهِنَّ أَحَبُّ إِلَى اللَّهِ مِنْ
هَذِهِ الْأَيَّامِ الْعَشْرِ

یغ برمقصود: تیدق اد هاری یغ عمل صالح
قدان لبیه دکاسیهی الله سلاءین دري هاری ۲
یغ سفولوه این.

سلنجوتن الحفیظ ابن حجر العسقلانی منجلسکن
بهاوا سبب کاوتامان 10 هاری فرتام ذوالحجة ایاله
کران قد هاری ۲ ترسبوت ترکومقول عباده ۲ اوتام
یغ دکالکن کیت اونتوق ملاکونش سفرتی صلاة،
فواسا، صدقه دان حج یغ کسمواث ایت تیدق تردافت
سچارا سرنفق قد بولن ۲ لاین.
سیدغ جمعة یغ درحمته الله ﷺ،

مخرجاکن عباده حج یغ مروفاکن روکون اسلام
یغ کلیم جوگی دفرینتهکن قد بولن ذوالحجة این.

کلبیہن ملقساناکن عبادہ حج دپاتاکن دالم سبدا نبی
ﷺ یغ دروایتکن اولیہ امام البخاری دان مسلم:

وَالْحَجُّ الْمَبْرُورُ لَيْسَ لَهُ جَزَاءٌ إِلَّا الْجَنَّةُ.

یغ برمقصود: دان حج یغ مبرور تیاد بالسن
باکین ملاءینکن شرک

سیدغ جمعة یغ درحمتی الله ﷻ،

رسول الله ﷺ معکالغن کیت اخر ممقربا یقکن تهلیل،
تحمید دان تکبیر قد هاری ۲ ترسبوت سفرتیمان سبدا
بکیندا دالم حدیث یغ دروایتکن اولیہ امام احمد:

مَا مِنْ أَيَّامٍ أَعْظَمَ عِنْدَ اللَّهِ، وَلَا أَحَبُّ إِلَيْهِ مِنْ
الْعَمَلِ فِيهِنَّ مِنْ هَذِهِ الْأَيَّامِ الْعَشْرِ، فَأَكْثَرُوا فِيهِنَّ
مِنَ التَّهْلِيلِ وَالتَّكْبِيرِ وَالتَّحْمِيدِ

یغ برمقصود: تیدق اد هاری یغ قالیغ اخوغ دان
امت دچینتایی اولیہ الله اونتوق برعمل قدش
سلااین درقد سفولوه هاری (ذوالحجة) این.

مك فرباقله قد وقتو ايت تهليل، تكبير دان
تحميد.

باخي اومت اسلام يث تيدق مثر جاكن عباده حج قولاً
مريك دكالقكن اكر ملاكوكن عباده فواسا قد هاري
عَرَفة ياءيت قد 9 ذوالحجة كتيك اومت اسلام سدغ
ملاكوكن عباده وُقوف دَعَرَفة. سبدا نبي ﷺ دالم
حديث يث دروايتكن اوليه امام مسلم:

صِيَامُ يَوْمِ عَرَفَةَ أَحْتَسِبُ عَلَى اللَّهِ أَنْ يُكَفِّرَ السَّنَةَ
الَّتِي قَبْلَهُ وَالسَّنَةَ الَّتِي بَعْدَهُ

يث برمقصود: فواسا قد هاري عَرَفة، اكو
مغهارقكن الله مغهاقوسكن كسالهن ستاهون
يغ لالو دان ستاهون يث اكن داتغ.

انتارا عباده يث دكالقكن جوئ اونتوق دلاكوكن قد
10، 11، 12 دان 13 ذوالحجة اين اياله ميمبليه حيوان
قربان. كليهن ملاكوكن عباده قربان دپاتاكن اوليه
رسول الله ﷺ ملالوئي حديث يث دروايتكن اوليه
امام الترمذي دان ابن ماجه يث برمقصود:

تيدق اد عملن یغ دلاکوکن اولیه مأنسی ڤد
 هاری رای قربان یغ لیه دسوکائی اولیه الله
 درڤد مغالیرکن داره (یعنی مپمبلیه قربان).
 سسوغکوهن ای اکن داتغ ڤد هاری قیامة ننتی
 دغن تندوق-تندوقش، کوکو ۲ دان بولو-بولوش
 (دان دلتقکن داتس تیمبغن). دان سسوغکوهن
 داره بناتغ قربان ایت منداقت کدودوقن دسیسی
 الله دساتو تمقت یغ تیغکی سلوم ای جاتوه
 داتس بومی. اولیه ایت، إخلاصکنله هاتی کامو
 کتیک بر قربان ایت.

سیدغ جمعة یغ درحمتی الله ﷻ،

ملالوئی میمبر خطبة ڤد هاری این بولیله کیت
 سیمقولکن بهاوا سباکای سآورغ همبا، کیت
 دفریتتهکن اونتوق مغوربانکن سساتو دالم کهیدوقن
 کیت دمی ممبوقتیکن کطاعتن کیت کڤد یغ مها
 اسا. قربانکنله سدیکیت ماس ریحت کیت اونتوق
 برعباده، قربانکنله سدیکیت واغ ریغکیت کیت
 اونتوق برصدقه دان قربانکن سدیکیت ڤرلنجائن

کیت اونتوق ملقساناکن عبادہ قربان. دان قربانکنله
کایغینن هاوانفسو کیت دغن مثرجاکن سکالا فرینته
الله ﷻ دان منیغکلکن لارغنش.

ماريله کیت برسام ۲ مرنوغ فرمان الله ﷻ دالم سورة
الکوتر :

أَعُوذُ بِاللَّهِ مِنَ الشَّيْطَانِ الرَّجِيمِ

بِسْمِ اللَّهِ الرَّحْمَنِ الرَّحِيمِ

إِنَّا أَعْطَيْنَاكَ الْكَوْثَرَ ﴿١﴾ فَصَلِّ لِرَبِّكَ

وَأَنْحَرِ ﴿٢﴾ إِنَّ شَأْنَكَ هُوَ الْأَبْتَرُ ﴿٣﴾

یغ بر مقصود: سسوغکوهن کامی تله مغورنیاکن
کقدامو (واهاي محمد) سبواه تلاکی دشرکی.
مک، دیریکنله صلاة کران توهنمو سمات ۲
دان سمبلیهله قربان (سباکاي برشکور).
سسوغکوهن اورغ یغ ممبنجیمو، دیاله یغ
ترفوتوس (درقد رحمة دان کبایقن).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ

بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلْ مِنِّي وَمِنْكُمْ
تِلَاوَتَهُ إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.